

— —

WAJUME KOWUNTINEXA 1502

—

—

Po matakabi 11 po xometotha Diciembre po dapatha 2011

**XUA EXANA PE KAPANEPATSINEXA WA KUIKOYENEWA PEKUIDANJEIWA JIWI JINOMPANEXA
PO NAKUATHA COLOMBIA PO MATAKABIXU PEKUIDANJEIWA JIWI JINOMPANEXA WAPUTHA
DIWESI DIKAPONAENA PONAKUATHA PEKUI DANJEIWA JIWI JINOMPANEXA.**

POMONAE NAKUITA WAJUME KOW-NTIWA

PONAKUATHA COLOMBIA

DIWESI DUTA:

JIPAENEXA 1. WAKUIKOYENEWA XUA PEKUIDANJEIWA JIWI JINOMPONEXA. Wakuikoyenewa xua jinompanexa po Colombia nakuatha, ita uinexa Pexeinya Jume diwetsi exana ,pomonaе jipaya nakuita kopei pexeinawi, pomonoe penakuitiwa yawa pomonaе yawena po diwetsi potomaratha pekuirubiwa exanana pikukoyene anya diwetsin Nakueranbabina xua nakatsimuxu dubina ponakuatha xua xua wakuikoyene pekuidanjeiwa jiji jinomponexa, beto tataponanchi poxuru bara pomonaе naka kuebina poxonaе pu diwetsi tinana.

Waxainchi tsane wakuikoyenewa nakui yaputanchi exua nantawena exanatsi eta xuo metha exanatsi ajibi, baxua duba diwetsi pomonaе xuameje kanakuita.

JIPAENEXA 2: NAWITA DUBENANA SAYA DAXITA KAKUITHA KANAKUITINA piyawa tsane pomonaе ka nakuita po nakuatha xua diwetsi peya w-biwimonaе, yawa pomonaе diwetsi nakahararna jiji jinompanexa Colombia nakuatha pexein diwetsi tanchi, xua nantawena exua exanatsi, exua yawa nantawena jume kow-ntatsi waxanchi jiji pomonaе jote jinompatsi jainya baro po diwetsitha naharbatoi waxanchi jiji.

Pomonaē pindiwetsin matakapona ponakuatha peyaw-ibiwa konakuita, yawa pomonaē diwetsi aharna jiji monae, kanakuitina, pomonaē pidiwetsi, xeina pebabaptiwa. Yawa pomonaē pekuirubi dimetsi xeina yama naharna jiji jinompanexa, jumekow-ntinexa ponakuatha. Xua pindiwetsi exananchi pomonaē jiji po iratha jinompatsi jainya xua po diwetsi tinatsi jainya naka ituria tane yawa waxainchi bichi ituria tanchi.

Wakuikoyene weya juntema najinompanchi, pexein jume natsipabinchi.

Pomonaē pin diwetsi kanakuita ponakuatha xua peya w-biwi, yawa pomonaē, diwetsi naharna jiji tataeponana janya juntema najuma taponatsi xua duka ichota jupaenexa 246 wajumekow-ntiwa 100 po ddapatha 1993 kotakaya metha diwetsi, nasikoba tsatina, diwetsi nakatsipaebanexa xua wakuikoyene. Pekuidanwei jiji jinompnexa po nakuatha Colombia bara po kakuitha duka ponaena xua kae diwetsi kanakuitena ponoena, xua ponakuatha nantawenatsi.

JIPAENEXA 3. PO MATAKABI PEKUIDANJEIWA JIWI JINOMPANEXA. Tanchi bara po matakabi tsame pekvidanjeiwa jiji jinompanexa po matkabi, po xometo abril wetarukapona po dapatha jinompatsi yatsekaya po matskabi 27 po xometo abril po dapatha 1955 xua wetarukapona baetha kanakuina 102 xua daaxita anya nakuan kanakuita (OIT) jei exua wajume kow-ntiwa siwiyo xua yawa pinae incha naku poeba wowej jumetha filadelfia bara po monae anya kui jumetha kueikuejei yawa paeba daxita nakuatha xua pekuidanjeiwa jiji juntema jinompanexa.

JIPAENEXA 4. WAKUIKOYENE PEXUIDANJEIWA JIWI JINOMPANEXA, POXONAE PIN DIWETSIN WA NAKUATHA. Wakui tsane xua pomatakabin peuidanjeiwa jiji jinompanexa, pomonaē pin diwetsin wa nakuatha kanakuita xua peyawo-biwa drwetsi yawa pomonaē kaena nakaetuiba xua kanakuita, xua pekuirubi diwetsi yawa pomonaē duba pentakaponawi, ponakuatha. Dubena pona yawa exana janya nakata wakui koyene danweidukapona, nantawena beta nantajuma tanchi nexa, inchaweya xua abe exanatsi ajibi saya pejein kui koyene nakuitinchi yawa inchamonae nakakui saya kaeto nakowatina beta wajume tanchi nexa, nakatsimumu dubina diwetsi pomonaē pekuirubi diwetsi yaputane.

Poxanaē po matakaibitha nakuitina po diwetsi xua Jume tanchi pejeinkui koyene nakamuxu tsipabina xua metha waxanchi nakuitinchi ajibi exua nantawena wakui nayaputanchi, exua waxainchi exanatsi ituria natanchi beta jinompanexo poxoru diwetsi Jume danwei jiji jinompanexa nakata exana.

Ithawitina po matakabi xua Jume danwei jiji pejinompanexo ichota pekuirubotha xua waxanchi juntema diwetsi kanakuita ponanchi, poxoru daxita, diwetsi danwei nawita.

JIPAENEXA:5 PENAWA PEXEINDIWETSI WA TOMARATHA PATINA WAKUIKOYENE XUA PEJUMEDANJEI JIWI JINOMPANEXA DAXXITA WAXANCHI

Xua penakuitivwa nexa pomatakabin wakuikoyene ithawitina pomonaē pin diwetsin, nakamatakapona, po nakuatha yawa pomonaē diwetsi xeina xua peyaw-ibiwa pekuidanjei jiji jinompanexa yawa pomane penakuitiwa xua pekurubinexa xua tina.

Pomonae diwetsi itoroba xua exananchí pomone ponakuatha mathakapona. Bora po diwetsi,xua jiji pomonae wakui koyene yawa pomonae pin diwetsin kapon, anya nakuan yabara tina.Poxonae diwetsi katutaba pomonae yawa xua kueikuejei ginya nakuan yawa pomonae kanakuita xua pekuidanjeiwa jiji pejinompanexa (155) pomonae pin matabaxu kanakuita pí diwetsi yawa poxonae diwetsi paeba po nakua Guatemala Jeí bara poxonae , daxita diwetsi nakatsiba, daxita nakua.

PEJUPAENEXA 6: DIWETSI KATUTABINA XUA PEKUIDANWEI JIW JINOMPANEXA PO DIWETSI XUA PENA PENAKUIRUBIWA TINA

Pomonae pin diwetsin kanakuita wa nakuatha diwetsi xua petinawa nababapta rukapona ichota xua poeba , yawa tinduba pejupanexa 76 ichota wajumekow-tinexa 115 po dapatha 1994 naka muxusiduba anya diwetsi xua yabara kueikuejei xua diwwetsi petinawa yawa kaediwetsi kana kuita penakuirubota po nakuatha b-etha xeina.

Yawa nantawena pekuirubimonae exana xua wakuikoyene exanchí, yawa ewatinchí waxanchí jiji pomonae jote jinompatsi nantawenayaputanchí exau, exanatsi ajibi, o exua exanatsinnakui koyene yaputanchi.

Janya juntema jinompatsí kaena bayatha dubena xua wajume kowwantinexa.

JUPAENEXA 7: Xua po diwetsi po matakabitha itha-tina pejume danwei jiji jinompanexa yawa pomonae ponakuapindiwetsi kanakuita xua peyaw-biwa bapomonoe xua diwetsí exanaa,itha-tichi pomonae nakuita wa iratha be xua pomonae Jeí cámara Representante yawa pomonae nakuita Senado po nakuita bara pomonae diwetsí kanakuita daxita baxua yawa xua Jiji Juntema Jinompanexa.Barapomanae po diwetsí pomonae matakapona koyakoya, taena eta xua metha bara pomonae kanakuita pona beta dukapona xua pomonae Camara yawa pomonae po nakuatha nakuita Senado.

Ichichipa tane xanewacha Jopa beta metha bokayo Jeí poxoru diwetsí nawita saya dukapona Jeí.

Barapo diwetsí Jichipa barakaena kaetutaba Jaimya beta dukapona pentakaponawi taena.

JUPAENEXA8: INCHAKUIKOYENE EXANA XUA WAKUIKOYENE XUA JUME DANWEI JIWI JINOMPANEXA

Pomonae wa nakuatha pentakaponawi xua jiji pi kui koyene kanakuita diwetsí nakasiitha-tina yawa pomonae Jiji nakuikoyene jupatsí barapomonae tsane pi diwetsí, dubenana tinana poxoru bara kanakuatha Jinompatsí Colombia.

Po diwetsí xua pekuidanjeiwa Jiji Jinompanexa naka ituria tanan wakuitha yawa wakuikoyene .Kaetutabina xua po diwetsí xua kanakuitinchí wawa nexa.

Beta dukapona naikakuitanchí exua waxanchí yaputanchí Jintontsí exa bichi metha wakui koyene exanatsí ajibi, beta nakuitenapononchí xua beta wajinompanexa.

JUPANEXA 9 : WAJUME KOWUNTA NEXA

Pomonae nakuita po nakuatha nantawena xua podiwetsí wajume kowuntanexa, yaitane xua pejumekowuntiwa 6 poxometibe kaena anoxue poxonae po jume diwetsí barapitabina.

JUPANEXA 10 : Imoxoyo tomorapeicha pitaba xua wajume diwetsínexa. Wajume kowuntinexo kaena pononae wakui ithauntinexa pomonae jute jinompatsí.

TRADUCIDO POR: SOFIA LOMBANA KETSHINEI
Docente WAMONAE